



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
GRADONAČELNIK
Broj: 01/2-04-89-2914/24
Živinice, 13.12. 2024 godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06 i 51/09), člana 38. Statuta Grada Živinice ("Službeni glasnik Grada Živinice", broj 5/19 i 9/21), član 3. Budžeta Grada Živinice za 2024. godinu ("Službeni glasnik Grada Živinice", broj 01/24, 9/24,) član 61. Stav 2. Odluke o izvršenju Budžeta Grada Živinice za 2024. godinu ("Službeni glasnik Grada Živinice", broj 1/24, 9/24), Pravilnika broj: 01/2-04-89- /24 a u vezi sa realizacijom budžetske pozicije: Podsticaj razvoju poljoprivrede - Različiti vidovi podsticaja i podrške, Gradonačelnik donosi

JAVNI POZIV
za podnošenje prijave za ostvarivanje novčane podrške
za proizvodnju krastavca kornišona u 2024. godini

I PRAVO UČEŠĆA

Pravo na **ostvarivanje novčane podrške za proizvodnju krastavca kornišona u 2024. godini** imaju fizička lica proizvođači krastavca kornišona – koperanti sa područja Grada Živinica koji imaju zasnovanu proizvodnju krastavca kornišona u 2024. godini, na vlastitom ili iznajmljenom zemljištu, sa najmanjom površinom od 0,05 ha (pola dunuma) i sklopljen ugovor o plasmanu proizvoda sa otkupljivačem-organizatorom proizvodnje.

U ime proizvođača krastavca kornišona – koperanata prijavu podnosi pravno lice otkupljivač-organizator proizvodnje.

Proizvođači krastavca kornišona **nemaju** pravo na novčanu podršku ukoliko su ostvarili posticaj po Javnom pozivu proljetna sjetva-sadnja i proizvodnja mlijeka u 2024.godini.

II VISINA PODRŠKE

Visina novčane podrške za proizvodnju krastavca kornišona u 2024. godini po krajnjem korisniku ovisiće od visine raspoloživih sredstava i broja prijavljenih korisnika.

Finansijska podrška će se dodjeliti u novčanom iznosu **od 500,00 KM po 0,10 ha (jednom dunumu) obrađene površine.**

Isplata novčanih sredstava vršiće se na tekući račune fizičkih lica proizvođača krastavca kornišona – koperanata, za koje su organizatori proizvodnje podnijeli prijave.

Maksimalan iznos podrške za sve korisnike iznosi 35.000,00 KM.

Ukoliko je ukupna iznos traženih sredstava podnosilaca prijava koji se nalaze na Konačnoj rang listi veći od 35.000,00 KM, u tom slučaju će se izvršiti srazmjerno umanjeње odobrenih novčanih sredstava do iznosa predviđenog u Budžetu Grada Živinice za 2024. godinu, tako da ukupan iznos dodijeljenih sredstava ne prelazi iznos planiranih sredstava u Budžetu

Grada Živinice za 2024. godinu.

III POTREBNA DOKUMENTACIJA

Pravna lica koja imaju organizovanu kooperativnu proizvodnju krastavca kornišona će u **ime svojih kooperanata sa područja Grada Živinice** sa kojim imaju potpisan ugovor o otkupu krastavca kornišona u 2024. godini dostaviti sljedeću dokumentaciju:

1. **Popunjen, potpisan i ovjeren pečatom obrazac prijave na javni poziv, koji je sastavni dio ovog poziva,**
2. **Rješenja o registraciji organizatora proizvodnje, fotokopija,**
3. **ID broj organizatora proizvodnje, fotokopija,**
4. **Ugovor o proizvodnji - otkupu krastavca kornišona zaključen između proizvođača - kooperanata i otkuplivača - organizatora proizvodnje, fotokopija,**
5. **Kopija faktura sa kopijom fiskalnih računa kooperanta na kojem je jasno navedena vrsta i cijena repromatrijala za proizvodnju krastavca kornišona u 2024.godini,**
6. **Spisak proizvođača krastavca kornišona - kooperanata ovjeren pečatom otkuplivača - organizatora proizvodnje koji mora sadržavati sljedeće podatke:**
 - **ime i prezime svakog kooperanta**
 - **podatak o preuzetim količinama sadnica krastavca kornišona za svakog kooperanta**
 - **podatak o zasađenoj površini za svakog kooperanta**
 - **matični broj svakog kooperanta**
 - **broj tekućeg računa i banku u kojoj je otvoren za svakog kooperanta**
 - **broj telefona kooperanta.**

IV PROCEDURA ODABIRA POTENCIJALNIH KORISNIKA SREDSTAVA

Postupak po Javnom pozivu će provesti Komisija koju će imenovati Gradonačelnik. Zadatak Komisije je provođenje kompletne procedure izbora po osnovu Javnog poziva kojeg će raspisati Gradonačelnik.

Komisija će sačiniti preliminarnu rang listu prijavljenih kandidata koji ispunjavaju uslove i istu objaviti na web stranici www.gradzivinice.ba i Oglasnoj ploči Grada Živinice.

Nezadovoljni kandidati mogu izjaviti prigovor Komisiji Gradskog vijeća za rješavanje po žalbama u drugostepenom postupku (u daljem tekstu; Drugostepena komisija) u roku od 5 dana računajući od dana objave preliminarne rang liste na web stranici Grada Živinice.

Nakon odluke Drugostepene komisije (ukoliko bude prigovora), Komisija će sačiniti i objaviti na web stranici i Oglasnoj ploči Grada Živinice Konačnu rang listu kandidata sa iznosom finansijskih sredstava koja će se dodijeliti iz Budžeta Grada Živinice.

V NAČIN PODNOŠENJA PRIJAVE

Javni poziv će biti objavljen na i web stranici Grada Živinice www.gradzivinice.ba i Oglasnoj ploči Grada Živinice, a ostaje **otvoren 7 dana** računajući od dana objave na web stranici Grada Živinice.

Prijave na Javni poziv se podnose isključivo na propisanom obrascu koji je sastavni dio Javnog poziva, koje moraju biti potpisane od strane odgovorne osobe i ovjeren pečatom pravnog lica otkuplivača - organizatora proizvodnje.

Prijave se mogu dostaviti putem preporučene pošte, kurirske pošte ili lično u pisarnicu Grada Živinice, adresa:

Grad Živinice, ulica Alije Izetbegovića br. 28, 75 270 Živinice

Dokaz da je prijava dostavljena u roku predstavlja datum na poštanskom žigu ili dostavnici.

Sve prijave koje se dostavljaju po osnovu ovog javnog poziva moraju biti u zatvorenoj koverti sa naznakom „**JAVNI POZIV - kornišni - NE OTVARAJ**“

Informacije podnosiocima prijava:

- Prispjela dokumentacija neće se vraćati,
- Podnosilac prijave odgovoran je za tačnost podataka u prijavi i na propisanom obrascu.
- Prijave koje nisu podnesene na propisanom obrascu, neblagovremene i nepotpune, kao i prijave koje nisu dostavljene u navedenom roku neće biti razmatrane.
- U postupku ovog javnog poziva Grad Živinice ne snosi nikakve troškove sudionicima.
- Gradonačelnik zadržava pravo da u svako vrijeme poništi, izmijeni ili dopuni Javni poziv.
- U cilju zaštite ličnih podataka, podaci prikupljeni od podnosioca prijava biti će tretirani u skladu sa odredbama Zakona o zaštiti ličnih podataka BiH.
- Sve dodatne informacije vezane za Javni poziv mogu se dobiti svakim radnim danom od 08:00 do 16:00 na broj telefona 035 743-343, konatakt osobe Mirsad Butković i Salković Hafija

Pripremio: Mirsad Butković_____

Predložio i kontrolisao: Indira Džeko_____

Kontrolisao: Suvad Butković_____

GRADONAČELNIK

dr.sc. Began Muhić

Dostavljeno:

1. Web stranica Grada Živinice,
2. Oglasna ploča Grada Živinice,
3. Služba za LER, finansije i trezor,
4. a/a.